

2025-y. “12” dekabr

33-03-5/UR-1240- son

**IT-Park
rezidentlariga**
(Ro‘yxatga asosan)

“Dasturiy mahsulotlar va axborot texnologiyalari texnologik parki
direksiyasi” MChJ (keyingi o‘rinlarda – IT-Park) quyidagilarni ma’lum qiladi.

“Dasturiy mahsulotlar va axborot texnologiyalari texnologik parki
rezidentining faoliyati shartlari to‘g‘risidagi Shartnoma”ning (keyingi o‘rinlarda –
shartnoma) 5.1.1 va 5.1.2-bandlariga muvofiq IT-Park rezidentdan uning faoliyati
to‘g‘risidagi ma’lumotni, shu jumladan statistika va soliq hisobotlarining
nusxalarini har oy va chorak yakuniga ko‘ra olishi hamda Shartnomaning amal
qilish muddati davomida Rezident tomonidan imtiyozlarni qo‘llash va ushbu
Shartnoma shartlarini bajarish bo‘yicha rezident tomonidan amalga oshirilayotgan
faoliyatni tahlil qilish huquqiga ega.

O‘zbekiston Respublikasining “Ta’lim to‘g‘risida”gi Qonuni 7-moddasiga
asosan ta’lim turlari maktabgacha ta’lim va tarbiya, umumiy o‘rta va o‘rta maxsus
ta’lim, professional ta’lim, oliy ta’lim, oliy ta’limdan keyingi ta’lim, kadrlarni qayta
tayyorlash va ularning malakasini oshirish hamda qo‘shimcha ta’lim turlaridan
iborat.

O‘zbekiston Respublikasining “Litsenziyalash, ruxsat berish va xabardor
qilish tartib-taomillari to‘g‘risida”gi Qonunining 36-moddasiga asosan qo‘shimcha
ta’lim faoliyat (harakatlar) turlarini (kichik turlarini) amalga oshirish uchun bu
haqda vakolatli organni xabardor qilish talab etiladigan faoliyat turlaridan biri
hisoblanadi. Shu bilan birga, ko‘rsatilgan faoliyat turlari bilan vakolatli organni
xabardor qilmasdan shug‘ullanish taqiqlanishi belgilangan.

Tashkilotingizga biznes rejaga asosan IT-ta’limni amalga oshirish faoliyati
bo‘yicha IT-park rezidentlik maqomi berilgan. IT-ta’lim faoliyati ta’lim xizmatlari
sifatida qaraladi hamda Qonunga asosan belgilangan tartibda xabarnoma olish talab
etiladi.

Biroq, “Litsenziya” axborot tizimlari majmuasi **license.gov.uz/registry**
saytini o‘rganib chiqish jaroyonida aniqlandiki, korxona tomonidan IT-ta’lim
faoliyatini amalga oshirish uchun ta’lim xizmatlari bo‘yicha xabarnomaga ega
emas. Bu esa yuqoridagi Qonun talablari buzilishiga olib keladi.

Shu munosabat bilan Sizdan quyidagi hujjatlarni **2025-yil 30-dekabr**

sanasiga qadar IT-Parkning **info@it-park.uz** elektron pochta manziliga taqdim etish so'raladi:

- IT-ta'limni amalga oshirish uchun ta'lim xizmatlari bo'yicha xabarnoma mavjud bo'lgan taqdirda uning nusxasi;

- IT-ta'lim doirasida ko'rsatilayotgan ta'lim xizmatlar bilan bog'liq xabarnoma mavjud bo'lmaganda esa uni license.gov.uz rasmiylashtirish hamda uning nusxasi.

Eslatma: Nizomning 21-bandiga muvofiq, IT-Park rezidenti o'z faoliyatida soliq va statistika hisobotlari, biznes-reja, shuningdek, auditorlik hisoboti va auditorlik xulosasi to'g'risidagi ma'lumotlarda **ishonchsiz ma'lumotlar** taqdim etilganligi aniqlangan taqdirda rezident maqomidan mahrum qilinadi.

Bosh direktor o'rinbosari



J. Radjabov

Ijr.: A. Akbarov
Tel.: (97) 401-68-36

Ўзбекистон,
г. Ташкент,
М.Улугбекский р-н,
ул. Тепамасжид, 4

4, Tepamasjid str.,
M.Ulugbek dst.,
Tashkent,
Uzbekistan

O'zbekiston,
Toshkent sh.,
M.Ulug'bek tumani,
Tepamasjid, 4.

+998 71 209-11-99
✉ info@it-park.uz
🌐 www.it-park.uz